

Ein gelungener Anlass – zwischen Fussball-EM und Olympia



Fascht alli Aktive send hüt cho
Passivi (leider) nur wenigi do.
Au wenn's es bitzeli rägne duet
d'Stimmig die esch trotzdem guet.



Genau am Zähni gots denn loos
jetzt rägnet's au nümme – das esch famos!
Gmuetlich werd jetzt loos-marschiert
debii verzellt mer was so intressiert.



Chum 70 Minute send verbii
do semmer scho bim Waldhuus g'sii.
S'Grillfüür brännt, und d'Tisch send deckt
d'Atmosphäre esch perfekt.



De Bruno sorgt de ganzi(!) Tag
für Musig wo so jede mag.
Mer cha Tanze, Schunkle und au singe
de Bruno duet fascht alles bringe.



Jetzt het mer Zyt zum gmüetlich sitze
es esch ned chalt, mer muess ned schwitze.
Vo erscht fascht 4 bis - 85 scho verbii
send a eusem Plausch debii.



En gmüetliche Small Talk setzt jetzt ii
es Wasser, es Bierli oder en Wii
loht's eim so richtig g'müetlich sii.
Und für Jedes...
...Kaffi und Chueche esch au debii.



Langsam goht de Tag verbii
wo üsserscht kurzwillig esch g'sii.
D'Musig klingt jetzt langsam uus
s'wird wieder still im Muntel-Huus.

Intermezzo - Hund beim Tierarzt

S'Grillfüürli das wird langsam Gluet
und duet em Fleisch so richtig guet.
Für fascht e Stund esch richtig Action
und jedes het si Satisfaction.
Während alli händ eres G'rillte gässe
send z'Dritte mer bim Tierarzt g'sässe!
Zwe Hünd händ ziemlich Lämpe g'ha
und eine vo beide au bisse g'ha.
Wo mir den hungrig(!) z'rugg send cho
statt Grillgluet - nei - brännt liechterloh.
Nach nomol 40 Minute warte müesse
chönd au mir euses G'rillte g'nüsse.
Was söll's...
...euserer Stimmig het's kei Abbruch do
und au de Hund cha weder stoh.



S einzige wo jetzt no rasslet
esch de Räge wo jetzt abe prasslet!